



左氏

中子

昭

九年

服部文庫
117
207
27





117  
207  
27

春秋左傳註疏卷第四十五

昭九年盡十二年



晉杜氏註

唐孔穎達疏

經九年春叔弓會楚子于陳以事往非行會禮

事至會禮正義曰此與宣十五年公孫歸父會楚子于宋其事同也楚子在彼魯敬大國自往會之非楚子召使會自以小國事大國之禮往

許遷于夷許畏鄭欲遷故以自遷為文

義曰許自楚莊王以來世屬於楚常與鄭為仇敵今畏鄭欲遷都近楚楚從其意而遷之故以許自遷為文若許不欲遷而楚強遷之則當云楚人遷許如宋人遷宿齊人遷陽

春秋左

卷第四十五

九



夏四月陳災

**註**

天火曰災陳既已滅降為楚縣而書陳

災者猶晉之梁山沙鹿崩不書晉災害繫於所災所

害故以所在為名

**註**

天火至為名○正義曰天火

梁經皆作陳火公羊傳曰陳已滅矣其言陳火何存

陳也穀梁傳曰國曰災邑曰火火不志此何以志閔

陳而存之也賈服取彼為說言愍陳不與楚故存陳

而書之言陳尚為國也社以左氏無此義故辨而異

之云陳既已滅降為楚縣不言楚陳災而直書陳災

者猶如晉之梁山沙鹿崩不書也以彼不繫晉知法

自不當繫楚非是存陳如舊國也凡災害所及繫於

所災所害之處故以所在為名不復繫其本國大都

以各通例不繫國陳是楚之大都無緣當繫於楚二

傳妄說故杜不從所災所害者所災謂陳災是也所

害謂梁山沙鹿崩是也然災害繫於所災所害而宣

十六年不直云宣榭火而以宣榭繫成周者以宣榭

其名不顯若不繫成周不知何處宣榭與此別也

秋仲孫矍如齊

**註**

矍俱縛反

冬築郎囿

**註**

郎音又苑也於郎地築苑

傳九年春叔弓宋華亥鄭游吉衛趙厲會楚子于陳

**註**楚子在陳故四國大夫往非盟主所召不行會禮

故不總書

**註**

楚子至總書○正義曰往年

親行也既滅陳以為縣楚子自往巡行鎮撫之魯宋

鄭衛聞其在陳畏威加敬各遣大夫往彼會之非是

盟主所召至亦不行會禮故魯史獨書已使不復總

書諸國也傳因叔弓所見故歷序四國大夫以見諸

國皆行非獨魯也十年叔孫婁如晉葬晉平公傳因

歷序諸國大夫此意與彼同也服虔以為此會宋鄭

春秋左傳

卷之四十五

湯古閣



衛之大夫不書叔弓後也服見文七年公會諸侯晉大夫盟于扈傳歷序諸國乃云公後至故不書所會凡會諸侯不書所會後也後至不書其國辟不敬也服意準彼為義故云叔弓後耳彼為盟主所召故諱後期此則楚非盟主何以當諱春秋之意豈欲魯棄晉而從楚乃為之諱其會楚遲也且彼不書所會乃總書諸侯此若是會經何以不總書叔弓會諸侯之大夫傳何以不言叔弓會楚子宋華亥鄭游吉衛趙厲于陳也今傳以四國大夫共會楚子義非扈類足以可明且叔弓若後傳當言之傳不言後而服以為後是欲代丘明為傳非解之也故杜顯○二月庚申而異之言不行會禮故不總書見此意

**楚公子棄疾遷許于夷實城父**  
此時改城父為夷

故傳實之城父縣屬譙郡  
此時至譙郡○正義

而傳言實者則以為各有改易也傳不言實則以為二名並存也所言實者皆舉舊以實新此地舊名城

明

已夫

父此時新改為夷然言城父是舊名故傳以實名之凡有二義經書未改之名傳以所改實明之則昭十八年許遷于白羽傳云許遷于析實白羽定十年公會齊侯于夾谷傳云會于祝其實夾谷是也若經書已改之名則傳亦舉其已改實其未改之號即此許遷于夷傳云遷許于夷實城父定十三年齊侯衛侯次于垂葭傳云次于垂葭實耶氏是也此四者或經書未改或經書已改傳皆上句舉其已改之名下句實其未改之號凡一地前後二名者非謂經時為未改之名傳時為已改之名乃於經傳以前上世之時亦有所改前後之名父子集史記而為經丘明采簡牘而作傳史記或書其舊名者即白羽夾谷是也或史記書其後名者即夷與垂葭是也丘明據簡牘為傳以所改後名而實之故傳二十五年秦取析矣襄二十六年聲子云析公之亂皆舉白羽改為析之後但簡牘稱析故杜云於傳時白羽改為析也謂簡牘之時非丘明作傳時也若其不然孔子修經丘明作傳事相連接時日不遠豈可修經時為白羽作傳即

春秋左傳卷之四十五 湯古閣



改爲析故杜云此四者皆爲所在之地舊名絕於當時史記有遺者也劉炫不審思杜意怪僖公襄公之世已有析名而取州來淮北之田以益之益許田規杜氏非也

**取州來淮北之田以益之**  
**伍舉授許男田**  
**然丹**  
取周玉益之正義曰釋例云州來淮南下蔡縣汝水之南也淮北之田淮水北田則州來邑在淮南邑民有田在淮北也許國盡遷于夷夷田少故取以益之

**遷城父人于陳以夷濮西田益之**  
**以夷田在濮水西者與城父人**  
音卜濮**遷方城外入于許**  
**成十五年**

許遷于葉因謂之許今許遷於夷故以方城外入實其處傳言靈王使民不安葉始濞反處昌慮反**周甘人與**

**晉閻嘉爭閻田**  
**甘人甘大夫襄也閻嘉晉閻縣大**

夫問以廉反**甘人至大夫**  
正義曰孔子父叔梁子  
是典邑大夫法掌以邑名冠之而稱人知此甘人即是下文甘大夫襄也甘人是甘縣大夫知閻嘉是晉之閻縣大夫名嘉也甘閻接竟田或相侵故共爭之**晉梁丙張趯率陰戎伐**

**於晉**  
**辭責讓之桓伯周大夫**  
歷他**王使詹桓伯辭**  
詹之**曰我自夏以**

**后稷魏駘芮岐畢吾西土也**  
**在夏世以后稷功受**

此五國爲西土之長駘在始平武功縣所治釐城岐在扶風美陽縣西北夏戶雅反註同駘他來反依字應作郃芮如鏡反岐其宜反長丁丈反下師長同治直吏反釐本又作孫他來反又音來一音力之反**北**  
正義曰



周語云昔我先世后稷以服事虞夏及夏之衰也棄  
 稷弗務我先王不窋用失其官按本紀不窋是后稷  
 之子繼其父業世為大國故受此五國為西土之長  
 也釋例土地名云魏河東河北縣也芮馮翊臨晉縣  
 芮鄉是也畢在京兆長安縣西北駘在武功岐在美  
 陽今按其地芮在魏之西南百餘里耳岐在駘之西  
 北無百里也詩稱后稷封郃與岐畢相近為之長可  
 矣計魏在郃東六百餘里而令郃國與魏為長道路  
 大遙公劉居豳又在岐西北四百餘里此  
 傳極言遠竟而辭不及豳並不知其故  
**及武王克**

**商蒲姑商奄吾東土也**  
 樂安博昌縣北有蒲姑城

○蒲如字又音薄  
 奄於檢反樂音洛  
 商及武至東土○正義曰武王克  
 奄於檢反樂音洛商光有天下外薄四海皆為周  
 地上文既言西土故以下唯說三方其實西方所至  
 過於上文自岐以西猶是周竟但不復重言之耳服  
 虔云蒲姑商奄濱東海者也蒲姑齊也商奄魯也二  
 十年傳曰蒲姑氏因之定四年傳曰因商奄之民命

以伯  
**巴濮楚鄧吾南土也**  
**肅慎燕亳吾北土也**  
 肅巴

慎北夷在玄菟北三千餘里  
 ○巴必加反燕於  
 賢反亳步各反  
 至北土○正義曰土地名云巴巴郡江州縣也楚南  
 郡江陵縣也鄧義陽鄧縣也建寧郡南有濮夷地然  
 則巴楚鄧中夏之國唯濮為遠夷耳土地名又云燕  
 國薊縣也亳是小國闕不知所在蓋與燕相近亦是  
 中國也唯肅慎為遠夷○肅慎至餘里○正義曰  
 書序云成王既伐東夷肅慎來賀魯語云武王克商  
 肅慎氏貢楛矢卓昭云肅慎東北夷之國去扶餘于  
 里晉之玄菟即在遠東北杜言玄菟北三千餘里北  
 夷之近東者故杜言  
**吾何邇封之有**  
 邇近也  
**文武成康之建母弟以蕃**  
 邇封之有○正義曰言我  
 之封疆何近之有邇近也  
**屏周亦其廢隊是為**  
 為後世廢隊兄弟之國當救



弁亦冠也當補

彼 非

濟之類方元反屏必并反隊直  
 仲龍叔王李之穆是文王母弟也管蔡邠霍魯衛毛  
 康王之母弟則書傳無文文王周之始王故言文王  
 文王未得封諸侯也弟以同母為親故言母弟耳所  
 封非同母者亦多矣建為國君所以為藩籬屏蔽周  
 室使與天子蔽鄣患難亦其慮後世子孫或有廢隊  
 王命望諸侯共救豈如弁髦而因以敝之  
 濟之是為此也童子垂  
 髦始冠必三加冠成禮而棄其始冠故言弁髦因以  
 敝之弁皮彥反本又作下  
 之者弁謂緇布冠髦謂童子垂髦凡加冠之禮先用  
 緇布之冠敝括垂髦三加之後去緇布之冠不復更  
 用故云因以敝之今王自比豈得將王室如緇布冠  
 加髦之後不須復用因以敝之猶言以我王家封建

晉國之後因即棄而不事之也童子至冠也  
 正義曰按禮未髦之時必垂髦故云童子垂髦也十  
 冠禮始冠緇布冠次加皮弁次加爵弁是始冠必三  
 加冠也其記冠義云始冠緇布之冠冠而敝之可也  
 玉藻亦云始冠緇布冠自諸侯下達冠而敝可也鄭  
 玄云本太古耳未時王之法服也是言本古而暫冠  
 既加而即棄是禮成而棄其始冠故云弁髦而因以  
 敝之也弁有爵弁皮弁嫌緇布之冠不得各弁故云  
 弁亦冠也周禮弁師掌冕是弁為大名也劉炫以為  
 弁髦二物以童子垂髦為髦被兩髦又云因以敝之  
 者謂親沒不髦按禮加冠以後親沒以前身既成人  
 猶自垂髦何得云童子垂髦髦既親沒乃棄杜註何  
 以不言親沒也若三加之後棄弁不棄髦杜註何得  
 云棄其始冠故言弁髦因以敝之既連髦而言明非  
 親沒之髦也髦之形像先王居檮杌于四裔以禦螭  
 鄭註士喪禮云未聞言檮杌略舉四凶之一下言四裔則三苗在其

水火充

卷之四十五

文古司



中。○檇徒刀反。杙五忽反。喬以制反。禦魚。○言檇

呂反。螭救知反。魁本又作魁。武與反。○至其中

○正義曰。文十八年傳稱。舜臣堯。流四凶族。渾敦窮

奇。檇杙饗餐。投諸四裔。以禦螭魅。先儒皆以為渾敦

驩兜也。窮奇共工也。檇杙。鮪也。饗餐。三苗也。此傳以

晉率陰戎伐賴。正須言饗餐耳。而言檇杙者。略舉四

凶之一耳。下言四裔。則三苗在其中可知也。若

直說鮪。當言居檇杙于羽山。不須言四裔也。故允

姓之姦。居于瓜州。○允姓陰戎之祖。與三苗俱放三

危者。瓜州。今敦煌。○姦古顏反。瓜古華。○允姓至

義曰。此言主責陰戎。知允姓陰戎之祖也。言允姓之

姦者。謂其奸邪之人。惡言之也。尚書云。竄三苗于三

危。此言允姓居于瓜州。時用而伯父惠公歸自秦而

人別。知與三苗俱放於三危也。伯父惠公歸自秦而

誘以來。○僖十五年。晉惠公自秦歸。二十二年。秦晉

同

遷陸渾之戎於伊川。使偪我諸姬。入我郊甸。則戎焉

取之。○邑外為郊。郊外為甸。言戎取周郊甸之地。○

彼力反。甸徒遍反。○則戎焉取之。○正義曰。焉猶何

焉。於虔反。又如字。○也。若不由晉。則戎何得取周之

地也。○邑外至之地。○正義曰。釋地云。邑外為之

郊。周禮載師。掌任土之法。其敘王畿之內。遠近之次

自國中以外。有近郊。遠郊。甸。次。稍。次。縣。次。都。是郊

外為甸也。陸渾之戎。居伊洛之間。是取周郊甸之地。

戎有中國。誰之咎也。○咎在晉。○其。后稷封殖天

下。今戎制之。不亦難乎。○后稷修封疆。殖五穀。今戎

得之。唯以畜牧。○陸時力反。疆。居良反。畜。許又

伯父。圖之。我在伯父。猶衣服之有冠冕。木水之有本原。民

之水火。荒。○

○

○



人之有謀主也

**國**民人謀主宗族之師長

**國**我在至主也

正義曰言我周存在於伯父有益如衣服云云

伯父若裂冠毀冕拔本塞原

專棄謀主雖戎狄其何有余一人

**國**伯父猶然則雖

戎狄無所可責晉率陰戎伐周邑故云然

**國**雖戎至一人

正義曰言伯父我親猶自如此則雖戎狄其何有恩義於我一人既無恩親侵我亦無可責叔向

謂宣子曰文之伯也豈能改物

**國**言文公雖霸未能

改正朔易服色

○伯如字又音霸

翼戴天子而加之以共

翼佐也自文以來世有衰德而暴滅宗周

宗周天子以宣示其侈諸侯之貳不亦宜乎且王辭直子其

圖之宣子說王有姻喪

**國**外親之喪

○說音悅王有姻喪

義曰隱元年傳云士踰月外姻至姻是外親故杜云外親之喪也服虔云婦之父曰姻王之后喪父於王亦有服義故往弔按妻父為姻雖有此稱王之納后必取諸侯之女后之父母不得身在京師往弔可耳何以得致禭也以致禭言之知是外親之喪耳不知外親喪是誰死使趙成如周弔且

致閭田與禭

**國**禭送死衣

○禭音遂贈死衣服

反穎俘王亦使

賓滑執甘大夫襄以說於晉晉人禮而歸之

**國**賓滑

周大夫

○俘方夫反滑呼八反又于八反說如字又音悅

○夏四月陳災鄭

裨竈曰五年陳將復封封五十二年而遂亡子產問

其故對曰陳水屬也

**國**陳穎項之後故為水屬



反下註復陳水屬。正義曰：陳顓頊之後，顓頊以封皆同。水德王天下，故為水屬也。陳是舜後，舜為土德，不近言土屬，而違繫顓頊為水屬者，蓋禪竈知陳將欲復興，須取水為占驗，假此以為言耳。未必帝王子孫永與所承同德。楚之先世嘗為火官，即以火為楚象，豈復五行之官後世皆依其行乎？此皆賢哲有以知之。**火水妃也。**火畏水，故為之妃。非吾徒所測。**火畏水，故為之妃。**非反。

音配火畏至之妃。正義曰：陰陽之書有五行，注同妃合之說。甲乙木也，丙丁火也，戊己土也，庚辛金也，壬癸水也。木克土，土克水，水克火，火克金，金克木，木畏金，以乙為庚妃也。金畏火，以辛為丙妃也。火畏水，以丁為壬妃也。水畏土，以癸為戊妃也。土畏水，以巳為甲妃也。杜用此說，故云：火畏水，故為之妃也。服虔云：火離也。水坎也。易卦離為中女，坎為中男，故火為水也。**而楚所相也。**相

治也。楚之先祝融為高辛氏火正，主治火事。亮反。註

同君為治。故以為治也。二十九年傳曰：火正曰祝融。顓頊氏有子曰犁，為祝融。楚世家云：高陽生稱稱生卷章，卷章生犁，犁為高辛氏火正，甚有功能，光融天下。帝嚳命曰祝融，其工作亂，帝使黎誅之，而不盡。帝誅黎，而以其弟吳回為後，復居火正，為祝融。回生陸終，陸終生子六人，六曰季連。楚**今火出而火陳。**火心星也。火出於周為五月，而以四月出者，以長歷推前年誤置閏。

**火心星也。**火出於周為五月，而以四月出者，以長歷推前年誤置閏。傳曰：火心為大火，十七年傳曰：火出於周為五月，今經書四月。陳災傳言：火出而火陳，火得以前年故。火以四月出也。長歷以為前年閏八月，則此年四月五日得中氣，二十日得五月節，故四月得火見。

**逐楚而建陳也。**水得妃而興，陳興則楚衰，故曰逐。



楚而建陳邑水得至建陳。正義曰：杜以陳為楚，建陳當為逐去楚人之在陳者，若穿封戌為陳公者也。但歐逐楚國之人於義甚通。劉炫乃改逐為遁，言火逃遁去楚而建立。陳國而規杜非也。

五行各相妃合得五而成，故五歲而陳復封為十三年。陳侯吳歸于陳傳。

○妃音配，註妃並同。正義曰：妃合釋詁。

文也。易繫辭云：天一地二天三地四地五地六天七地八天九地十。天數五，地數五，五位相得而各有合。

鄭玄云：天地之氣各有五，五行之次一曰水，天數也；二曰火，地數也；三曰木，天數也；四曰金，地數也；五曰土，天數也；此五者陰無匹，陽無耦，故又合之地六為天，一匹也；天七為地，二耦也；地八為天，三匹也；天九為地，四耦也；地十為天，五匹也；二五陰陽各有合，然後氣相得，施化行也。是言五行各相妃合，生數以上。

皆得五而成，故云。歲五及鶉火而後陳卒亡。楚克有之。天之道也。故曰五十二年。是歲歲在星紀，五歲及大梁而陳復封，自大梁四歲而及鶉火，後四周四十八歲凡五及鶉火。五十二年，天數以五為紀，故五及鶉火，火盛水衰。

○是歲至水衰。正義曰：如杜所註，歲星每年而行一次，至昭

三十二年則歲星在寅，未至於丑，其傳云：越得歲而吳伐之，故服氏以為有事于武宮之歲。龍度天門，謂

十五年歲星從申越未而至于午，曆家以周天十二次，次別為百四十四分，歲星每年行一百四十五分，是

歲星行一次，外剩行一分，積一百四十四年，乃剩行

一次，故昭十五年得超一辰。今杜氏既無此義，而三十二年歲星得在丑者，但歲星之行，天之常數，超辰



年則歲星當逾鶉火至鶉尾而云五及鶉火者以顯  
項歲在鶉火而滅故神龜舉大略而言云五及鶉火  
不復細言殘數雖至鶉尾亦經由鶉火天有五星又  
大微宮中有五帝坐又四方中央亦有五是天數以  
五為紀故五及鶉火也歲星天之貴神所在之國  
必昌歲在鶉火火得歲星之助火所盛而水則衰○

晉荀盈如齊逆女自為逆還六月卒于戲

陽魏郡內黃縣北有戲陽城殯于絳未葬

晉侯飲酒樂饕宰屠蒯趨入請佐公使尊公之使

人執尊酌酒請為之佐樂音洛屠音徒禮記作杜

反許之公許之而遂酌以飲工工樂師師曠也

飲於煬反工樂師師曠也正義曰禮記檀  
下又飲同弓說此事云知悼子卒未葬平公飲

師一作司

酒師曠李調侍知工即師曰女為君耳將師聰也

曠也外嬖叔即李調也女音汝樂所以聰耳正義曰

者所以聰耳大將師聰也樂以和心聲從耳入故樂

疾惡也紂以甲子喪桀以乙卯亡故國君以為忌日

○喪息疾惡至忌日正義曰訓疾為惡言王

浪反者惡此日不以舉吉事也尚書武成篇云

時甲子昧爽受率其旅若林會于牧野罔有敵于我

師前徒倒戈攻于後以流血漂杵是紂以甲子喪

也詩云韋顧既伐昆吾夏桀言昆吾與桀同時死也  
十八年傳二月乙卯周毛得殺毛伯過而代之長弘  
曰毛得必亡是昆吾紂之日也昆吾之死與桀同日  
知桀以乙卯亡也以此二王之亡為天誅之日故國  
君以為忌日惡此日也檀弓云君子有終身之憂故  
忌日不樂鄭玄云謂死日也彼謂親亡之日至此日



而念親故此日不用舉吉事非是君徹宴樂學人舍

業為疾故也君之卿佐是為股肱股肱或虧何痛如

之言痛疾過於忌日女弗聞而樂

是不聰也不聞是義而作樂又飲外嬖嬖叔

都大夫之嬖者外都至嬖者正義曰此言外

君之嬖者猶晉獻公時有外嬖梁伍東關嬖伍

女為君目將司明也職為外故主視服以旌禮

旌表也禮以行事事政令事有其物物類也物

有其容容貌也今君之容非其物也有卿佐之

在

喪而作樂歡會故曰非其物而女不見是不明也亦

自飲也曰味以行氣氣以實志氣和則志充

至不明正義曰吉有弁冕凶有衰麻禮有吉凶之

異作衣服以表之如此之類是服以旌禮也周禮司

服六冕以祭祀皮弁以視朝韋弁以即戎冠弁以田

獵如此之類是禮以行事也傳稱哀有哭泣樂有歌

舞如此之類是事有其物言行事各有其物類也記

稱衰麻則有哀色端冕則有敬色介冑則有不可犯

之色周禮保氏教國子六儀一曰祭祀之容二曰賓

客之容三曰朝廷之容四曰喪紀之容五曰軍旅之

容六曰車馬之容少儀曰言語之美穆穆皇皇朝廷

之美濟濟翔翔祭祀之美齊齊皇皇車馬之美駢駢

翼翼鸞和之美肅肅雍雍如此之類是物有其容也

君有卿佐之喪宜有悲哀之貌而與羣臣飲酒作樂

今君之容貌非其類也志以定言在心為志發口



為言言以出令臣實司味二御失官而君弗命臣之

罪也工與嬖叔侍御君者失官不聰明

正義曰調和飲食之味以養人所以行人氣也氣得和順所以充人志也志意充滿慮之於心所以定言語也詳審言語宣之於口所以出號令也臣實主掌

食味今工師不聰叔也不明二侍御者並失其官而君不出令以罪之必是

公說徹酒初公欲廢知氏而

立其外嬖為是悛而止

正義曰公心欲廢知氏故輕悼子之喪不廢飲酒得

而止悛改也改革前意也禮記記此事飲酒事同而其言盡別記是傳聞故與此異二者必有一謬當傳

實而記秋八月使荀躒佐下軍以說焉躒荀盈之

輒

音

子知文子也佐下軍代父也說自解說躒本又作

又洛○孟僖子如齊殷聘禮也自叔老聘齊至今二

十年禮意久曠今修盛聘以無忘舊好故曰禮呼報

反自叔至曰禮正義曰襄二十年叔老聘齊

殷訓盛也今修盛聘以無忘舊好故禮之也聘禮云

然則聘禮經之所言是大聘也王制云諸侯之於天

子也比年一小聘三年一大聘鄭玄云小聘使大夫

於大聘不知以何為盛或當享禮之物多矣○冬

築郎囿書時也季平子欲其速成也叔孫昭子曰詩

曰經始勿亟庶民子來詩大雅言文王始經營靈

長是之長當上聲



臺非急疾之眾民自以子義來勸樂為之。○亟紀力反樂如字  
 又五教反。詩曰至子來。○正義曰大雅靈臺之篇。一音洛。也言文王經始靈臺之基趾其意勿使急成之。但其眾民自以子成父事而來勸樂而早成之耳。子成父事不待督帥故云子來以示民樂之意。焉用速成其以勸民也。○焉於虔反勸初交反又子小反  
 無囿猶可無民其可乎。

經十年春王正月

夏齊樂施來奔

嗜酒好內以取敗亡故書名。○嗜市志反傳

同好呼報反

秋七月季孫意如叔弓仲孫閱帥師伐莒。○三大夫皆

卿故書之季孫為主二子從之。

○三大至從之。正義曰成二年鞏

之戰魯四卿並書此三卿皆書重兵詳內故備書之。其他國行兵唯書元帥而已略外也。傳云平子伐莒取鄭平丘又獨見執明是季孫為伐莒之主二子從之。

戊子晉侯彪卒

五同盟。○彪彼蚪反

九月叔孫婁如晉

葬晉平公。三月而葬速。

十有二月甲子宋公成卒

十一同盟也。無冬史闕文。

○成音城。五同盟。○正義曰彪以襄十六年即何休音恤位其年盟于溴梁十九年于視柯二十一年于澶淵二十五年于重丘二十七年于宋不數元年號會是五同盟。○十一同盟。○正義曰成以成

子年婁如晉作全



蒲

春秋疏

十六年即位十七年盟于柯陵十八年于虛打襄三  
手于雞澤五年于戚九年于戲十一年于亳城北十  
五年及向戌盟于劉十六年于溴梁十九年于祝柯  
二十年于澶淵二十五年于重丘二十七年于宋元  
年于號皆魯宋俱在凡十三同盟杜意盟數多者不  
數特盟襄十五年向戌盟于劉及號盟不數故十一  
劉炫并數以規杜過非也如  
此數盟不同者或可傳寫誤

傳十年春王正月有星出于婺女國客星也不書非

李○葵武付反鄭裨竈言於子產曰七月戊子晉君

將死今茲歲在顛項之虛國歲歲星也顛項之虛謂

玄枵○裨婢支反虛起魚國歲歲至玄枵○正義

項之虛也郭璞曰虛在正北顛項水德位在北方  
當以北方三次以玄枵為中玄枵次有三宿又虛在

為

其中以北水位在北顛項居之故姜氏任氏實守其地

謂玄枵虛星為顛項之虛也國姜齊姓任薛姓齊薛二國守玄枵之地○任音居

其維首而有妖星焉告邑姜也國客星居玄枵之維

首邑姜齊大公女晉唐叔之母星占婺女為既嫁之

女織女謂處女邑姜齊之既嫁女妖星在婺女齊得

歲故知禍歸邑姜○大國居其至姜也○正義曰維

為其初女是次之綱維也居其維首謂星居之也其

邑姜齊女告邑姜邑姜晉之妣也天以七紀國二十

八宿面七○妣必履國邑姜晉之妣也○正義曰曲

春秋疏

卷之四十五

及古則

面一作四



妣之言媿媿於考也。邑姜唐叔之母，故為晉之妣也。邑姜亦是成王之母，而於周無災，任姜共守其地，而不告薛女，此則禪寵。戊子，逢公以登星，斯於是乎出。自知非吾徒所能測。

逢公殷諸侯居齊地者，逢公將死，妖星出，婺女時非歲星所在，故齊自當禍，而以戊子日卒。戊子至

正義曰：昔戊子之日，逢公死，其神以此日登天，於時有星，是此星也。於是婺女乎出，爾時妖星出於婺女

而戊子逢公死，今此星亦出，婺女知戊子晉君當死也。逢公死日，星出，婺女當時猶有書記，故禪寵得而知之。

逢公至日卒。正義曰：二十年晏子說齊地云：有逢伯陵，因之則陵是逢君之始祖也。周語說

馮禘之次云：我皇妣大姜之姪，伯陵之後，逢公之所

馮神也。孔晁云：大姜大王之妃，王季之母也。女子謂昆弟之子曰姪。伯陵大姜之祖，逢公大姜之姪，伯陵之後，逢公殷諸侯也。然則伯陵之後世為逢君，皆是

逢公未知戊子卒者何名號也。逢公死時，妖星亦出，婺女於時，歲星不在齊分，故齊地之君自當其禍。此時歲在齊分，故外孫當之。吾是以譏之。為晉侯彪卒傳。齊惠

樂高氏皆耆酒。樂高二族皆出，惠公信內多怨。說婦人言，故多怨。音悅。疆於陳，鮑氏而惡之。惡陳

鮑。惡鳥路。夏有告陳桓子曰：子旗子良將攻陳鮑。亦告鮑氏。桓子授甲而如鮑氏。遭子良醉而聘。欲

及子良醉，故聘告鮑文子。聘救。遂見文子。文子

鮑國則亦授甲矣。使視二子。二子子旗子良則皆

將飲酒。桓子曰：彼雖不信。彼傳言者。傳直。聞我



授甲則必逐我及其飲酒也先伐諸陳鮑方睦遂伐樂高氏子良曰先得公陳鮑焉往

○先伐諸一本無伐字遂伐虎門欲入公不聽故

伐公門齊惠樂高氏○正義曰晉惠公生子樂公

子旗旗生是樂孫良是高孫孫以王父字玉父字為

氏皆出惠公故曰惠樂高氏也○遂伐虎門○正義

曰周禮師氏掌以美詔王居虎門之左司王朝鄭玄

云虎門路寢門也王日視朝於路寢門外畫虎焉以

明勇猛於守宜也司猶察也察王之視朝若有善道

故以虎門為路寢門此亦當然或以虎門晏平仲端

委立于虎門之外端委朝服義曰元年傳劉定

公謂趙子文云吾與子弁冕端委哀七年傳云大伯

端委以治周禮則端委是在公之服故云朝服鄭玄

云諸侯與其臣皮弁以視朔朝服以視四族召之無

朝其朝服玄冠緇布衣素積以為裳也

所往四族樂高陳鮑其徒曰助陳鮑乎曰何善焉

言無善義可助助樂高乎曰庸愈乎罪惡不差

於陳鮑○差初然則歸乎曰君伐焉歸公召之而後

入公卜使王黑以靈姑鉞率吉請斷三尺焉而用之

王黑齊大夫靈姑鉞公旗名斷三尺不敢與君同

○鉞扶眉反又音平率所律公卜至用之○正義

反徐所類反斷丁管反註同曰公卜卜與樂高戰

也靈姑鉞者齊侯旌旗之名卜使王黑以此靈姑鉞

之旗率人以戰得吉也禮諸侯當建交龍之旂此靈

及古

卷之四十五十七

及古

及古

及古

及古



姑鉞蓋是交龍之旂當時為之名其義不可知也知是旗者以請斷三尺而用之故知是旗五月

庚辰戰于稷稷祀后稷之處有稷下館處昌慮反

樂高敗又敗諸莊莊六軌之道正義曰釋宮

云六達謂之莊舊說皆云六道旁出杜皆以一達為一軌國人追之又敗諸鹿門

鹿門齊城門樂施高彊來奔高彊不書非卿陳

鮑分其室晏子謂桓子必致諸公讓德之主也讓之

謂懿德凡有血氣皆有爭心故利不可彊不可彊

取爭爭鬪之爭強其丈反註同思義為愈義利之本也蘊利生孽

姑使無蘊乎蘊畜也孽妖害也列反畜救六反

可以滋長桓子盡致諸公而請老于莒莒齊邑長

丁丈桓子召子山子山子商子周襄三十一年子

尾所逐羣公子私具幄幕器用從者之衣履私具

不告公幄於音反幕音莫從才用反屨九具反而反棘焉棘子山故

邑齊國西安縣東有戟里亭子商亦如之而反其邑

子周亦如之而與之夫子子周本無邑故更與之

濟南於陵縣西北有于亭反子城子公公孫捷三

子八年子旗所逐而皆益其祿凡公子公孫之無祿

者私分之邑桓子以已邑分之國之貧約孤寡者



私與之粟曰詩云陳錫載周能施也

王能布陳大利以賜天下行之周徧○載如字詩作哉毛云哉載也

鄭云始也施始豉桓公是以霸○齊桓公亦能施以反下註同徧音遍

政霸○曰詩云至是以霸○正義曰曰者桓子辭也既私施與又言已施之意大雅文王之篇錫

賜載行周徧也言文王能布陳大利以賜天下行之周徧此言文王之能施也桓公亦用此能霸諸侯焉

得不務施乎言公與桓子莒之旁邑辭○讓不受穆已多施為此也

孟姬為之請高唐陳氏始大○穆孟姬景公母傳言

陳氏所以興○為于偽反○秋七月平子伐莒取郟○郟

莒邑取郟不書公見討於平丘魯諱之○郟古獻俘杏反

始用人於亳社○以人祭殷社○俘芳夫反臧武仲亳步洛反

在齊聞之曰周公其不饗魯祭乎周公饗義魯無義

詩曰德音孔昭視民不佻○詩小雅佻偷也言明德

君子必愛民○視如字詩作示佻他彫反佻之謂甚矣而壹用之

將誰福哉○壹同也同人於畜牲○畜許又反○詩曰至

正義曰小雅鹿鳴之篇也孔甚昭明佻偷也言君子之人為賓客德音甚明其視下民不偷薄苟且也偷

之已謂甚矣而一同畜牲用之將誰肯福祐之哉佻偷釋言文李巡曰佻偷薄之偷也孫炎曰偷苟且也

○戊子晉平公卒○如禘寵之言鄭伯如晉及河晉

人辭之游吉遂如晉○禮諸侯不相弔故辭九月叔



滕人

春秋左傳

卷之四十五

滕人

孫媯齊國弱宋華定衛北宮喜鄭罕虎許人曹人莒人邾人薛人杞人小邾人如晉葬平公也

諸侯大夫者非盟會鄭子皮將以幣行

贄見賢遍反下不得子產曰喪焉用幣用幣必百

兩載幣用車百乘

三百兩孔安國云兵車稱兩百兩必千人千人至將不行

也不行必盡用之

幾千人而國不亡

子皮固請以行既葬諸侯之大夫欲因見新

若

君叔孫昭子曰非禮也弗聽叔向辭之曰大夫之事

畢矣送葬禮畢而又命孤孤斬焉在衰經之中

既葬未卒哭故猶服斬衰

則喪禮未畢其以喪服見是重受弔也大夫將知之

何皆無辭以見子皮盡用其幣歸謂子羽曰非知之

實難將在行之

夫子知之矣我則不足

由子產之戒既知其不可而遂行之是我之不足

非知至不足正義曰尚書說命云非知之艱行之

惟艱此言出彼意也非知之實為難將在行之為難

春秋左傳

卷之四十五

滕人



也言子產語已巳既知之知而不行所以自悔夫子

子子產知之矣知喪不用幣也我則知不足矣書

曰欲敗度縱敗禮逸書○敗必邁書曰至敗禮

書大甲篇也孔傳云言已我之謂矣夫子知度與禮

矣我實縱欲而不能自克也欲因喪以慶新君故

縱而行之不能自勝音升昭子至自晉大夫皆見高

彊見而退高彊子良昭子語諸大夫曰為人子不

可不慎也哉昔慶封亡子尾多受邑而稍致諸君君

以為忠而甚寵之將死疾于公宮在公宮被瘞語

魚據輦而歸君親推之推其車而送之○推如字

同註其子不能任是以在此忠為令德其子弗能任罪

猶及之難不慎也喪夫人之力棄德曠宗以及其身

不亦害乎夫人謂子尾曠空也○任音壬下同喪

同難不慎○正義曰言息浪反夫音扶註

其是之謂乎詩小雅言禍亂不在他正當已身以

喻高彊身自取此禍詩曰至我後○正義曰正月

胡俾我瘡不自我先不自我後註云父母謂文武也

天使父母生我何故不長遂我而使我遭此暴虐之

政而病此何不出我之居居○冬十二月宋平公卒

初元公惡寺人柳欲殺之元公平公大子佐也○惡



鳥路反寺

**元**

平○正義曰諡法內外賓服曰平

**及喪**

又作侍

**元**

○正義曰諡法好建國都曰元

**及喪**

柳熾炭于位

**元**

以温地

○熾赤志反炭吐旦反

將至則去之

**元**

言元公好

使公坐其處

○去起呂反處昌慮反

比葬又有寵

**元**

言元公好

經十有一年春王二月叔弓如宋

葬宋平公

夏四月丁巳楚子虔誘蔡侯般殺之于申

**元**

蔡侯雖弑

父而立楚子誘而殺之刑其羣士蔡大夫深怨故以

楚子各告

○虔其連反般音班弑申志反傳放此

**元**

正義曰蔡侯雖弑

父而立實宜受討但立為君于蔡已十三年楚子誘而殺之又刑其羣士不以殺父之罪討之蔡大夫深怨楚子故以楚子名赴告禮諸侯不生名書各是罪絕之事以其各告欲使諸國之史書各以罪絕之也若是楚告不當自罪其君知是蔡人告也公子圍殺君取國改名曰虔

師圍蔡

五月甲申夫人歸氏薨

**元**

昭公母胡女歸姓

大蒐于比蒲

仲孫矍會邾子盟于祿祥

**元**

祿祥地闕○比音毗徐扶夷反祿子鳩反

徐又七林反

秋季孫意如會晉韓起齊國弱宋華亥衛北宮佗鄭罕



虎曹人杞人于厥愁

**國**厥愁地闕

○佗徒河反愁魚  
斬反徐五中反一

音五  
轄反

九月巳亥葬我小君齊歸

**國**齊諡

○齊如字

冬十有一月丁酉楚師滅蔡執蔡世子有以歸用之

用之殺以祭山

**國**

蔡世子○正義曰父既死矣猶稱  
世子者君死而國被圍未暇以禮

卽位故國  
以世子告

傳十一年春王二月叔弓如宋葬平公也

**國**嫌以聘

事行故傳具之○景王問於萇弘曰今茲諸侯何實

吉何實凶

**國**

萇弘周大夫

○萇直良反

對曰蔡凶此蔡侯

般弑其君之歲也歲在豕韋

**國**襄三十年蔡世子般

弑其君歲在豕韋至今十三歲歲復在豕韋般卽靈

侯也

○復扶又反  
不歲復在同

弗過此矣

**國**言蔡凶不過此年楚

將有之然壅也

**國**

蔡近楚故知楚將有之楚無德而

享大利所以壅積其惡

○壅於勇反註及後  
同近附近之近下司

歲及大

梁蔡復楚凶天之道也

**國**

楚靈王弑立之歲歲在大

梁到昭十三年歲復在大楚美惡周必復故知楚凶

楚子在申召蔡靈侯靈侯將往蔡大夫曰王貪而無

信唯蔡於感

**國**

蔡近楚之大國故楚常恨其不服順

梁



春秋左傳

卷之四十五

齊魯

○於感 戶暗反 今幣重而言其誘我也。不如無往。蔡侯不可。  
 五月丙申。楚子伏甲而饗蔡侯於申。醉而執之。夏四月丁巳。殺之。刑其士七十人。公子棄疾帥師圍蔡。  
 傳言楚子無道。用反。韓宣子問於叔向曰。楚其克乎。對曰。克哉。蔡侯獲罪於其君。謂弑父而立。而不能其民。不能施德。天將假手於楚。以斃之。借楚手以討蔡。斃婢。何故不克。然胥聞之。不信。以幸。不可討也。楚王奉孫吳以討於陳。曰。將定而國。陳人聽命。而遂縣之。事在八年。今又誘蔡。而殺其君。以圍

其國。雖幸而克。必受其咎。弗能久矣。桀克有緡。以喪其國。紂克東夷。而隕其身。紂為黎之蒐。東夷叛之。

桀為仍之會。有緡叛之。故伐而克之。○緡。武中反。喪。君同隕。桀克至其身。○正義曰。桀身奔南巢。故于敏反。云喪國也。紂首縣白旗。故云隕身也。楚

小位下。而亟暴於二王。能無咎乎。天之假助不善。非祚之也。厚其凶惡。而降之罰也。且譬之。如天。其有五材。而將用之。力盡而敝之。是以無拯。不可沒振。金

木水火土五者。為物用。久則必有敝。盡則棄。捐。故言無拯。拯猶救助也。不可沒振。猶沒不可復振。○亟。欺冀。

春秋左傳

卷之四十五

齊魯







嚮

春和政

卷之四十五

漢書

**字養也似雙生。**○生如字或**於泉丘人。**○正義曰以傳直云宿於

遠氏即連言生懿子及南宮敬叔謂遠氏所生故傳顯云生懿子及南宮敬叔於泉丘人於泉丘人宜上

讀為**楚師在蔡。**向四月之師。向本又作曩亦

**晉荀吳謂韓宣子曰不能救陳又不能救蔡物以無**

**親。**物事也。如此以是故無人肯親我晉國。**晉**

**之不能亦可知也已為盟主而不恤亡國將焉用之**

○將焉於虔反**秋會于厥慙謀救蔡也。**不書救蔡不果

**救蔡鄭子皮將行子產曰行不遠不能救蔡也蔡小**

**而不順楚大而不德天將棄蔡以壅楚盈而罰之。**

蔡一本作楚可

又三

在本為作

盈楚惡蔡必亡矣且喪君而能守者鮮矣三年王其

有咎乎美惡周必復王惡周矣。元年楚子弑君而

立歲為大梁後二年十三歲歲星周復於大梁。息淺

反復於扶反一本又作復在**晉人使狐父請蔡于楚弗許。**狐父

音胡**單子會韓宣子于戚。**單子單成公

**視下言徐叔向曰單子其將死乎朝有著定。**著定

朝內列位常處謂之表著○著張慮反徐治居反

內列位常處也周禮司士正朝儀之位辨其貴賤之

等王南鄉三公北面東上孤東面北上卿大夫西面

北上王族故士虎士在路門之右南面東上大僕大

蔡必亡矣謹按一本蔡作楚則且  
喪君之且字為不承上句矣且  
而喪君句論蔡則文義甚不德况楚  
又不得謂楚必亡矣



右大僕從者在路門之左南面西上鄭玄云此王日  
 視朝事於路門外之位此是朝上之位貴賤有定處  
 也會有表亦是位之定處但著下言定則表亦是定  
 故直言會有表耳俗本表下有旗謬也野會設表為  
 位亦當有物記處如今之位版也謂之表著者杜意  
 當以下文表著之位謂此也劉炫謂下文有著有表  
 一文不同以著定為朝有著不得謂之表著而規杜  
 氏今知非者杜意當以下文會朝之言必聞於表著  
 故於朝有著之文并探下文會有表以配著故云謂  
 之表著所以覆結下文非謂著之一字即名表著也  
 劉炫不達杜旨**會有表**野會設表以為位野會至  
 而為規過非也禮諸侯建旂設旂以為表也周禮司  
 儀云將合諸侯則令為壇三成宮旁一門觀禮云諸  
 侯觀于天子為宮方三百步四門壇十有二尋深四  
 尺上介皆奉其君之旂置于宮尚左公侯伯子男皆  
 就其旂而立鄭玄云置于宮者建之豫為其君見王  
 之位也諸公中階之前北面東上諸侯東階之東西

伯

面北上諸伯西階之西東面北上諸子門東北面東  
 上諸男門西北面東上尚左者建旂公東上侯先西  
 伯先子子先男而位皆上東方也諸侯入壇門或左  
 或右各就其旂而立王降階南鄉見之是天子於野  
 會諸侯設表以為位也周禮大司馬中冬教大閱門  
 立四表是以設表為位也盟主之會諸侯必亦旂表  
 位大夫聚會亦應有以衣有**禮帶有結**禮領會結  
 表位但無文以言耳**會朝之言必聞于表著之位**  
 帶結也禮古外反說**會朝之言必聞于表著之位**  
 文云帶所結也所以昭事序也視不過結禮之中所以道容貌也言  
 以命之容貌以明之失則有闕今單子為王官伯而  
 命事於會視不登帶言不過步貌不道容而言不昭  
 矣不道不共不昭不從貌正曰共言順曰從  
音導



下言不過步。正義曰：言聲所聞不過一步。○**同**貌正曰從。正義曰：洪範五事，貌曰恭，言曰從。其意曰：容貌當恭恪，言是則無守氣矣。**國**為此年冬可從足貌，正曰共言順曰從。

單子卒起本。**國**無守氣。正義曰：言無守身之氣，將必死。○九月葬齊歸。

公不感。晉士之送葬者歸，以語史趙。史趙曰：必為魯

郊。**國**言昭公必出在郊野，不能有國。○語魚。據反。至魯

郊。○正義曰：傳稱文襄之制，夫人喪，士弔大夫送葬。此言晉士送葬者，蓋大夫來而士為介，未必士獨行也。此士以公不感語史趙，故特言士耳。必為魯郊，言昭公必為魯人所逐而出在郊。

侍者曰：何故曰歸姓也？不思親，祖不歸也。**國**姓生也，言不思親

則不為祖考所歸祐。音又叔向曰：魯公室其卑乎？君

有大喪，國不廢蒐。**國**謂蒐比蒲，有三年之喪而無一

日之感，國不恤喪，不忌君也。**國**畏忌也，君無感容，不

顧親也。國不忌君，君不顧親，能無卑乎？殆其失國。**國**

為二十五年公孫於齊傳。○冬十一月，楚子滅蔡，用

隱大子于岡山。**國**蔡靈公之太子，蔡侯廬之父。音剛

廬力。用隱大子于岡山。○正義曰：此時楚以畜牲吳反。用之無人為之作諡，必是蔡侯廬歸國，乃追諡其父為隱耳。釋例：土地名，岡山，闕不申無字曰不

知其處，經言以歸用之，必是楚地山也。申無字曰不

祥，五牲不相為用，況用諸侯乎？**國**五牲，牛羊豕犬雞，

○為于偽。況用諸侯。○正義曰：世子雖未即位，以反或如字。其父既死，則當君處，故以諸侯言之甚。



之也。○**五牲**至犬雞。○正義曰：爾雅以此五者并馬為六畜。周禮謂之六牲，但馬非常祭所用，故去馬。而以此五者當之。**王必悔之**。○**悔**為暴虐。○**十二月**單成公卒。

**卒**。終叔向之言。○**楚子城陳蔡不羹**。○**襄城**縣東南有不羹城，定陵西北有不羹亭。○**羹**舊音郎，漢書

**不羹**。○正義曰：古者羹臠之字，音亦為郎，故魯頌闕宮，楚辭招魂與史游急就篇羹與房漿，糠為韻。但近世以來，獨以

此地音為郎耳。○**使棄疾為蔡公**。王問於申無宇曰：棄疾在蔡，何如？對曰：擇子莫如父，擇臣莫如君。鄭莊公城櫟而寘子元焉，使昭公不立。

**子元**鄭公子，莊公寘子元於櫟，桓十五年，厲公因之以殺櫟大夫檀

櫟

伯遂居櫟，卒使昭公不安位而見殺。○**櫟**力反。○**子元**至

見殺。○正義曰：杜以子元為鄭公子，曼伯與檀伯為一人。莊公城櫟而置子元，又使檀伯為櫟邑大夫，故厲公得因子元而殺檀伯。劉炫以為傳言城櫟以置

子元，當謂賜元以櫟，則以元為櫟邑之長。若其別有大夫，子元寄居於櫟，便是城櫟以置檀伯。何言置子元也？若厲公因子元以殺檀伯，則子元是檀邑之一

夫耳。豈是莊公城櫟之咎乎？且桓十五年傳云：鄭伯因櫟人殺檀伯，不言因子元也。子元鄭之公子，不得為櫟人也。鄭眾云：子元即檀伯也。厲公殺檀伯居櫟，因櫟之衆，偪弱昭公，使至殺死。按桓五年傳云：子元請為左拒，即云曼伯為右拒，則曼伯子元近是為一

以規杜氏。今知劉說非者，按晉封桓叔于曲沃，而以樂賓傳之，鄭使許叔居許，而以公孫獲為佐。楚使大子建居城父，而以奮揚助之，並是一邑之內而有二人，則莊城櫟而置子元，別有檀伯居櫟，何為不可？子元共櫟邑之人而納厲公，但此因棄疾在蔡，故特指



子元桓十五年直明厲公之入故總言櫟人辭有彼此不可為怪劉又以子元為曼伯按隱五年傳云曼伯與子元潛軍軍其後又下文鄭二公子敗燕師于北制是子元非曼伯也劉安規杜非也

公城穀而寘管仲焉至于今賴之城穀在莊三十

二年臣聞五大不在邊五細不在庭上古金木水

火土謂之五官玄鳥氏丹鳥氏亦有五又以五鳩鳩

民五雉為五工正蓋立官之本也末世隨事施職是

以官無常數今無字稱習古言故云五大也言五官

之長專盛過節則不可居邊細弱不勝任亦不可居

朝廷上古至朝廷正義曰二十九年傳曰有五行之官是謂五官木正曰句芒火正曰祝

融金正曰蓐收水正曰玄冥土正曰后土是上古金木水火土謂之五官也十七年傳云少皞氏紀於鳥為鳥師而鳥名鳳鳥氏歷正也玄鳥氏司分者也伯趙氏司至者也青鳥氏司啓者也丹鳥氏司閉者也玄鳥丹鳥亦有五也彼傳又云五鳩鳩民者也五雉為五工正數皆有五蓋古立官之本以五為常末世隨事施職是以官無常數不復以五耳今無字稱習古言故云五大也言五官之長其人大大專盛過節則不可居邊城或將據邊城以陵本國也五官之長大細弱則不勝其任不能使威行於下將為人所陵亦不可居朝廷也賈逵云五大謂大子申生居曲沃公子公孫累世正卿也鄭衆云大子晉申生居曲沃是也母弟鄭共叔段居京是也貴寵公子若棄疾在蔡是也貴寵公孫若無知食渠丘是也累世正卿衛甯殖居蒲孫氏居戚是也五細賤妨貴少陵長遠間親新聞舊小加大也不在庭不當使居朝廷為政也此五大五細無字唯言五耳不知五者何謂故先儒各自以意言之雖杜之言亦無明證正以彼不必通



故改親不在外，羈不在內。今棄疾在外，鄭丹在內。

襄十九年丹奔楚，君其少戒。王曰：國有大城，何如對？

曰：鄭京櫟實殺曼伯。曼伯檀伯也，厲公得櫟，又并

京。○曼音萬。其事正以京櫟連言，故云又并京。宋蕭

毫實殺子游。在莊十二年，齊渠丘實殺無知。

莊九年，渠丘今齊國西安縣也。齊大夫雍廩邑。在

莊至廩邑。正義曰：渠丘為雍廩之邑，傳無其文，以

彼傳言雍廩殺無知，此云齊渠丘實殺無知，以此知

渠丘是雍廩邑也。鄭眾以渠丘為無知之邑，無知不

坐邑死，何以言渠丘殺無知？蕭毫非子游之邑，渠丘

不得為衛蒲戚實出獻公。蒲甯殖邑，戚孫林父邑，

出獻公在襄十四年。○出如字。若由是觀之，則害於

國末大必折。折其本尾，大不掉。君所知也。為十

三年陳蔡作亂。傳○掉徒。則害至不掉。○正義曰：

是賴得大邑以討篡賊，而謂之害於國者，以其能專

廢置，則是國害。天子之建諸侯，欲令藩屏王室，諸侯

之有城邑，欲令指揮從已，不得使下邑制國都。故大

城為國害也。末大必折，以樹木喻也。尾大不掉，以畜

獸喻也。楚語說此事：公制城邑，若體性焉。自首領股

肱，至於拇指毛脉，大能掉小，故變而不動。夫邊境者

國之尾也。譬之如牛馬處暑之既至，

蚩蠶之既多，而不能掉其尾，臣懼之。

經十有二年春，齊高偃帥師納北燕伯于陽。三年燕

伯出奔齊，高偃、高偃、玄孫、齊大夫、陽即唐燕別邑中



山有唐縣不言于燕未得國都音侯三年至國

劉炫云杜譜以偃與鄭為一亦云高侯玄孫按襄二

十九年傳云敬仲曾孫鄭非玄孫也今知非者按世

本敬仲生莊子莊子生傾子傾子之孫鄭是偃為敬

仲玄孫也經言于陽傳言于唐知陽即唐也不言于

燕未得國都與哀二

三月壬申鄭伯嘉卒五同盟五同盟正義曰

年盟于戲十一年于亳城北十六年于濞梁二十年

于澶淵二十五年于重丘二十七年于宋元年于號

皆魯鄭俱在凡七云五者杜以其盟既多故皆據君

在盟會而言之襄二十七年是大夫之盟元年號會

讀舊書二者不數故為

夏宋公使華定來聘定華椒孫

公如晉至河乃復晉人以莒故辭公

五月葬鄭簡公三月而葬速

楚殺其大夫成熊傳在葬簡公上經從赴

秋七月

冬十月公子愁出奔齊書名謀亂故也

楚子伐徐不書圍以乾谿師告

不書至師告

正義曰傳稱使蕩

侯潘子馬督囂尹午陵尹喜帥師圍徐以懼吳楚

者不以所圍之師告

以乾谿援師告也

春秋左傳

卷之四十五 三十二

及古周



晉伐鮮虞

不書將帥史闕文

○將子匠反

○至闕文

○正義曰十五年晉荀吳帥師伐鮮虞定四年晉士鞅衛孔圉帥師伐鮮虞二者皆書將帥此獨不書將帥知是史闕或是告辭略史闕不得書亦得言史闕文也穀梁曰其曰晉狄之也不正其與夷狄交伐中國故狄稱之也賈服取以為說左氏無貶中國從夷狄之法傳曰亡者侮之亂者取之又曰間攜貳覆昏亂霸王之器也鮮虞夷狄也近居中山不式王命不共諸夏不事盟主伐而取之唯恐知力不足焉有以夏討夷反狄中國從此以後用師多矣何以不常狄晉而復舉其人也杜以其言不通故顯而異之

傳十二年春齊高偃納北燕伯欵于唐因其眾也

因言唐眾欲納之故得先入唐 ○三月鄭簡公卒將為葬除

○為于 及游氏之廟

游氏子大

時

叔族將毀焉子大叔使其除徒執用以立而無庸毀

用毀廟具

執用至庸毀○正義曰用謂毀廟之具若今銀鏤之類也庸亦用也教其

除道之徒執所用作具以

曰子產過女而問何故不

毀乃曰不忍廟也諾將毀矣

教毀廟者之辭○女音汝

既如是子產乃使辟之司墓之室有當道者

簡公

別營葬地不在鄭先公舊墓故道有臨在迂直也司

墓之室鄭之掌公墓大夫徒屬之家

○迂音于一音於

之室○正義曰周禮墓大夫下大夫二人中士八人掌凡邦墓之地域為之圖令國民族葬鄭之司墓亦當如彼此是掌公墓大夫也言之室有當道者則非司墓自家之室故註以為徒屬之家猶尚書註云玄



彼

享上一本有公字

春秋

卷之四十五

汲古閣

孫之親言之以見高祖曾祖之弟皆親親相似毀之則朝而塋塋下棺朝  
 如字塋北鄧反徐甫贈反禮家作窆徐驗反義同塋下棺禮作窆禮記作封此作  
 塋皆是葬時下棺於塋之事而其字禮作窆禮記作封此作  
 不同是聲相近經篆隸而字轉易耳弗毀則日中而  
 塋子大叔請毀之曰無若諸侯之賓何不欲久留  
 賓子產曰諸侯之賓能來會吾喪豈憚日中無損於  
 賓而民不害何故不為遂弗毀日中而葬君子謂子  
 產於是乎知禮禮無毀人以自成也憚待且反夏宋  
 華定來聘通嗣君也宋元公新即位享之為賦蓼  
 蕭弗知又不答賦蓼蕭詩小雅義取燕笑語今是

以有譽處兮樂與華定燕語也又曰既見君子為龍  
 為光欲以寵光賓也又曰宜兄宜弟令德壽凱言賓  
 有令德可以壽樂也又曰和鸞雍雍萬福攸同言欲  
 與賓同福祿也為于偽反蓼音六樂音洛為賦蓼蕭正義  
 常樂今特云為賦蓼蕭者文四年衛甯武子來聘公  
 與之宴為賦湛露及彤弓註云非禮之常公特命樂  
 人以示意則知此亦特命樂人所以嘗試華定昭子曰必亡宴語之不懷  
 懷思也寵光之不宣宣揚也令德之不知同福之  
 不受將何以在為二十年華定出奔傳昭子至  
 正義曰不懷不宣不知不受皆據華定為文也詩云  
 燕笑語今言定當思此笑語與主相對也詩云為龍

春秋

卷之四十五

汲古閣



為光定當應此寵光宣揚之也詩云令德受訖定當知已有德與否須辭謝之也詩云萬福攸同定當受同福荷君恩也各○齊侯衛侯鄭伯如晉朝嗣君也準事而為之文

**晉昭公新立**○公如晉○亦欲朝嗣君至河乃復

**取鄭之役**○在十年莒人愬于晉晉有平公之喪未

**之治也故辭公**公子愁遂如晉○愁魯大夫如晉不

書還不復命而奔故史不書於策○**正義**曰此經

書公子愁出奔齊名見於經則愁是卿也出奔既書於策如晉亦應書之今不書者杜以宣十八年書公孫歸父如晉歸父還自晉至莒遂奔齊傳稱歸父還至莒聞公薨乃壇帷復命於介然後出奔書曰歸父還自晉善之也彼善之故書其去又書其還此愁知已謀泄逃介而先不復命於君而還出奔故史不書

於策言其為此故不書其如晉也劉炫云杜以愁還不復命於介而奔止可不書其還何故如晉亦不書也此蓋為君使臣聘必當告廟告廟乃得書於策公歸告復不告使愁故不書如晉今刪定以為愁初欲謀亂魯國而往聘晉魯人責其謀亂不復命故賤而不錄其聘也出奔書者榮其罪人斯得故顯而書之也劉以為出聘不告廟故不書而規杜氏按不復命而奔傳有其事公子愁不告廟傳無其文以無文之事妄規杜氏非也

**晉侯享諸侯子產相鄭伯辭於享請免喪**

**而後聽命**○簡公未葬○**相息亮**○子產至於享○**正義**曰僖九年

宋桓公卒未葬襄公會諸侯故曰子是先君未葬有從會之禮也鄭偏於楚以固事晉故父雖未葬朝晉嗣君不得已而行於情可許也諸侯相享享必有樂未葬不可以從吉故辭享為得禮○**晉人許之禮也**○善晉不奪孝子之情晉侯以齊侯宴中行



穆子相。穆子荀吳投壺。晉侯先。穆子曰有酒如淮。

有肉如坻。淮水名。坻山名。○淮舊如字。四瀆水也。學皆以淮坻之韻不。

切云淮當為濰。濰齊地水名。下稱灑亦非齊國水也。按灑是齊水。齊侯稱之。荀吳既非齊人。不應遠舉濰。水古韻緩作淮。足得無勞改也。坻直疑反。徐。○投壺直夷反。詩云宛在水中坻。坻水中高地也。○義曰禮記有投壺之禮。其文無相者。况辭此中行。穆子與齊侯皆有言辭者。投之中否。似若有神。故設為此語。或作投時。皆有言語。禮自不載之耳。伯瑕責穆子。唯言壺何為焉。其以中為雋。責其失辭。不云法不言。是投壺皆有言也。凡宴不射。是為投壺。投壺之禮。壺去席二。矢半。司射執八。筭東面。壺投如射。三而止。其矢室中。五扶。堂上七扶。庭中九扶。鋪四指。曰扶。扶四寸也。筭長尺二寸。壺頸修七寸。腹修五寸。口徑二寸半。容十五升。壺中實小豆焉。為其矢之躍而出也。小豆取滑且堅。矢以柘若棘。毋去其皮。取其堅且重。

也。舊說矢大七分。○淮水名。坻山名。○正義曰。杜以淮為水名。當謂四瀆之淮也。劉炫以為淮坻非韻。淮當作濰。又以坻為水中之地。以規杜氏。今知不然。者以古之為韻。不甚要切。故詩云汎彼柏舟。在彼中河。髡彼兩髦。實維我儀。又云為絺為綌。服之无斃。儀河數綌。尚得為韻。淮坻相韻。何故不可。此若齊侯之語。容可舉齊地。濰水。此是穆子在晉。何意舉齊地水乎。又酒肉相對。多少相似。按爾雅。小洲曰階。小階曰坻。小坻曰坻。何得以坻之小地對淮之大水。故杜以坻為山名。劉炫又以山無名坻者。按楚子觀兵於坻。箕之山。坻非山乎。劉。寡君中此為諸侯師中之齊侯。以此規杜失非也。

舉矢曰有酒如灑。有肉如陵。灑水出齊國臨淄縣。

北入時水。陵大阜也。○中丁仲反。下及註同。灑音。

縣北經樂安博昌縣南界。西入時水。釋地云。大阜曰灑。灑水出齊國臨淄。



陵寡人中此與君代興代更也音庚亦中之伯瑕

謂穆子伯瑕士文伯曰子失辭吾固師諸侯矣壺

何為焉其以中僞也言投壺中不足為僞異齊君

弱吾君歸弗來矣欲與晉君代興是弱之齊君

齊將何事言晉德不衰於古齊不事晉將無所事

公孫僂趨進曰日旰君勤可

以出矣以齊侯出僂齊大夫傳言晉之衰

楚子謂成虎若敖之餘也遂殺之成

又所留反○楚子謂成虎若敖之餘也遂殺之成

古

帥

虎令尹子玉之孫與鬬氏同出於若敖宣四年鬬椒

作亂今楚子信譖而託討若敖之餘成虎正義

言虎者此人名熊字虎傳書其字或譖成虎於楚子

成虎知之而不能行書曰楚殺其大夫成虎懷寵也

解經所以書名○六月葬鄭簡公傳終子產辭

享明既葬則為免喪經書五月誤○晉荀吳偽會齊

師者假道於鮮虞遂入昔陽鮮虞白狄別種在中

山新市縣昔陽肥國都樂平沾縣東有昔陽城章勇

反沾張廉反韋昭鮮虞至陽城正義曰宣十

春秋疏 卷之四十五 三十七 及古



晉人滅赤狄甲氏及留吁成三年晉郤克衛孫良夫  
 伐齊如傳曰討赤狄之餘焉是赤狄已滅盡矣知  
 鮮虞與肥皆白狄之別種也杜以者陽為肥國之都  
 樂平沾縣東有昔陽城疑此為都也下註云鉅鹿下  
 曲陽縣西南有肥累城復疑肥國取彼肥為名也劉  
 炫以為齊在晉東偽會齊師當自晉而東行也假道  
 鮮虞遂入昔陽則昔陽當在鮮虞之東也今按樂平  
 沾縣在中山新市西南五百餘里何當假道於東北  
 之鮮虞而反入西南之昔陽也既入昔陽而別言滅  
 肥則肥與昔陽不得為一安得以昔陽為肥國之都  
 也昔陽即是肥都何以復言鉅鹿下曲陽有肥累之  
 城疑是肥名取於彼也肥為小國竟必不遠豈肥名  
 取鉅鹿之城建都於樂平之縣也十五年荀吳伐鮮  
 虞圍鼓杜云鼓白狄之別鉅鹿下曲陽縣有鼓聚炫  
 謂肥鼓並在鉅鹿昔陽即是鼓都在鮮虞以東南也  
 二十二傳云晉荀吳使師偽糴者負甲以息於昔  
 陽之門外遂襲鼓滅之則昔陽之為鼓都斷可知矣  
 今杜以昔陽為肥國都是者以傳云遂入昔陽即云

壬午滅肥是因入而滅之故云昔陽肥國都也昔陽  
 既在樂平沾縣而杜又云鉅鹿下曲陽縣西南有肥  
 累城相去遠者以肥是本封之名後遷于昔陽猶若  
 杞國本都陳留後遷緣陵鄭本都京兆後遷鄠郛與  
 此何異耳昔陽今屬廉州去下曲陽道路非遠在中  
 山南二百餘里劉炫自云肥之與鼓俱在曲陽足知  
 肥累城與昔陽不甚懸絕劉意欲破杜乃云樂平沾  
 縣在中山新市西南五百餘里又自云昔陽鼓國都  
 與肥相近在中山東南是自相矛盾也案鮮虞在北  
 昔陽在南所以得假道鮮虞遂入昔陽者荀吳意欲  
 滅肥恐肥國防備故從晉之北竟偽欲東南而行往  
 會齊師故先迴路假道鮮虞南入昔陽知湯之放桀  
 迂路從陶出其不意故也自杜君土地制稱有者皆  
 疑辭故杜云樂平沾縣來有昔陽是疑而不定又且  
 都縣移動古今不一則晉時樂平沾縣何知不是今  
 之昔陽但肥都昔陽與鼓相近晉既滅得肥國故三  
 十二年息昔陽之門外遂襲鼓而取之昔陽八月壬  
 陽非鼓都也劉意好異聞妄規杜過非也

春秋疏

卷之五 三十八

八月壬



南

春秋左傳

卷之五

漢書

午滅肥以肥子縣臯歸肥白狄也縣臯其君名鉅

鹿下曲陽縣西有肥累城為下晉伐鮮虞起臯古

劣彼反又力輒反○周原伯絞虐其與臣使曹逃原伯絞

周大夫原公也與眾也曹羣也絞古

正義曰杜以原伯絞為周大夫其簡卯反冬十月壬申朔

原與人逐絞而立公子隴隴尋絞弟

絞奔郊郊周也甘簡公無子立其弟過甘簡

公周卿士過古禾反過將去成景之族成公景

公皆過之先君去起成景之族賂劉獻公欲使

地一本作邑

殺過劉獻公亦周卿士劉定公子丙申殺甘悼公

悼公即過而立成公之孫鮪鮪平公丁酉沒

獻大子之傅庾皮之子過過劉獻公大子之傅殺

瑕辛于市及宮嬖綽王孫沒劉州鳩陰忌老陽子

六子周大夫及庾過皆甘悼公之黨傳言周衰原甘

二族所以遂微○季平子立而不禮於南蒯蒯南

遺之子季氏費邑宰蒯苦怪南蒯謂子仲子仲

公子愁吾出季氏而歸其室於公室季氏家財子

更其位更代也我以費為公臣子仲許之

春秋左傳

卷之五

漢書

更其位更代也我以費為公臣子仲許之

更其位更代也我以費為公臣子仲許之

更其位更代也我以費為公臣子仲許之

更其位更代也我以費為公臣子仲許之

更其位更代也我以費為公臣子仲許之

更其位更代也我以費為公臣子仲許之



加

南蒯語叔仲穆子且告之故

三

穆子叔仲帶之子叔

仲小也語以欲出季氏以不見禮故

○語魚據反註同

季悼

子之卒也叔孫昭子以再命為卿

三

悼子季武子之

子平子父也傳言叔孫之見命乃在平子為卿之前

及平子伐莒克之更受三命

三

十年平子伐莒以功

至三命昭子不伐莒亦以例加為三命

三

季悼子至

正義曰悼子之卒不書於經則是未為卿也其卒當在武子之前平子以孫繼祖武子卒後即平子立也傳言悼子卒者欲見昭子為卿遠在平子之先○平子於時已為卿矣釋例曰魯之叔孫父兄再命而書於經晉司空亞旅一命而經不書推此知諸侯之

卿大夫再命以上皆書於經自一命以下大夫及士經皆稱人名氏不得見也劉賈云春秋之序三命以上乃書於經穎氏以為再命稱人傳云叔孫昭子三命踰父兄昭公十年昭子始加三命先此叔孫皆自見經知所書皆再命也是杜檢傳文知再命書名平于伐莒書名知其已再命矣平子伐莒克之昭子不伐莒也昭子無功而更受三命知平子叔仲子欲構以功加三命昭子以例加為三命也

二家

欲構使相憎謂平子曰三命踰父兄非禮也

三

言昭子受三命自踰其先人

世子云其朝于公內朝庶子治之雖有三命不踰父兄鄭玄云治之治公族之禮也唯於內朝則然其餘會聚之事則與庶姓同一命齒於鄉里再命齒於父族三命不齒不齒者不在父兄行列中也彼言三命不踰父兄者自謂在公內朝位在父兄下耳非謂不得受三命踰父兄也叔仲子欲構二家因禮有三命

春秋疏

卷四十四

及古



不踰父兄之法遂言昭子受三命自踰其先人以此為非禮也平子初得其言不甚曉解故使昭子令自貶黜見昭子不服乃自知其非故懼而歸罪於叔仲子也昭子無兄叔仲子引禮法連言之耳平子曰然故使昭子

**使昭子自貶黜昭子曰叔孫氏有家禍殺適立庶故媿也及此**

禍在四年歷反若因禍以斃之則聞命矣

言因亂討已不敢辭若不廢君命則固有著矣

著位次昭子朝而命吏曰媿將與季氏訟書辭無頗

頗偏也何反季孫懼而歸罪於叔仲子故叔仲小南蒯公子愁謀季氏愁告公而遂從公如晉

愁子仲南蒯懼不克以費叛如

**齊子仲還及衛聞亂逃介而先**

介副使也界使所

反及郊聞費叛遂奔齊

言及郊解經所以書出

言及至書出正義曰凡言出奔皆自內而出文

七年晉先蔑奔秦先在秦地因即奔秦故不言出也歸父還自晉至笙遂奔齊笙在魯之竟外故不言出也此言及郊已入魯竟傳言及郊解經所以書出

**南蒯之將叛也其鄉人或知之過之而歎**

鄉人過蒯而歎且言曰恤恤乎湫乎攸乎

恤恤憂患湫愁

隘攸懸危之貌如字徐以帚反隘於賣反懸音玄本

又作

縣以恤恤為憂患之意也湫是湫隘故以湫為愁隘之意也詩云攸攸旂旌故以深思而淺謀邇身

攸為懸之貌也言南蒯之心若此

旆



而遠志家臣而君圖家臣而圖人君之事故言思

深而謀淺身近而志遠○息息嗣深思至君圖○反註同正義曰深思而

淺謀思慮深而知計淺言其知小而謀大也○通身而遠志身卑近而志高遠言其越分以求通也家臣而

君圖為家臣而謀君事言其非已所當為也○上二句言其心下一句指其事為下句而發上句故註例言

之有人矣哉言今有此人微以感之南蒯枚筮之

**不指其事**汎卜吉凶○枚武回反汎芳劔反南蒯枚筮之

有銜枚所銜之木大如箸也今人數物云一枚兩枚是籌之名也尚書大禹謨舜禪禹禹讓不受請帝枚

卜功臣惟吉之從孔安國云枚謂歷卜之而從其吉彼謂人下一籌使歷卜之也此則不告筮者以所筮

之事空下一籌而使之筮故杜云不指其事汎卜吉凶也或以為杜云汎卜吉凶謂枚雷總卜則禮云無

感一作戒

雷同是總眾之辭也今俗語遇坤三三三坤上坤下

坤○坤苦之比三三三坤下坎上比坤六五爻變比

毗志反註同曰黃裳元吉坤六五爻辭以為大吉也示

子服惠伯曰即欲有事何如惠伯曰吾嘗學此矣忠

信之事則可不然必敗外強內溫忠也坎險故強

坤順故溫強而能溫所以為忠以為大吉○正義曰筮遇此爻而辭

云黃裳元吉南蒯自以為所謀之事必大吉○坎險至為忠○正義曰坎象云習坎重險是坎為險也

說卦云坤順也六五爻變則上體為坎坎有險難故為剛強也坤道和順故為溫柔也剛強以禦難柔順

以事主故外強而能和以率真信也水和而土安



正和正信之本也故曰黃裳元吉黃中之色也裳下  
之飾也元善之長也中不忠不得其色言非黃長

丁丈坤為土土性安正率循也貞正也用水性和柔

性以循安正道既和且正性之本故為信也故曰

黃裳元吉正義曰天下之事雖則萬端總之諸法

大歸忠信而已能忠能信無施不可以有下不共不

忠信故曰黃裳元吉解此爻辭之意也

得其飾不為裳事不善不得其極失中德失

中德正義曰極訓為中不得其中言其失中德也

此文以上二句類之當云善不極不得為長文不然

者惠伯之語雖反覆相疊不可字外內倡和為忠

字相對隨便而言故與上不類

不相違也和戶卧反率事以信為共率猶行也

訓循循而行故率猶行也

謂正直剛克柔克也養餘亮反三德至克也

三德一曰正直二曰剛克三曰柔克孔安國云正直

者能正人之曲直剛克者剛能立事柔克者和柔能

治三者皆人之性也剛則失之於強柔則失之於弱

故貴其能剛能柔謂剛不苛離柔不滯溺也供養三

德為善者剛則抑之柔則進之以志意供給長養之

使合於中道各成其德乃為善也董遇註本為共養

解云盡共所以非此三者弗當非忠信善不當此

養成三德也

卦同或下浪反黃中至弗當正義曰既言爻為

五方則為五色黃是中央之色也衣裳所以飾身裳

是在下之飾也元者始也首也於物為初始於人為

頭首元是諸善之長也五方之中猶人之心中心中



下不共則不得其裳之飾也。舉事不善則不得其善之中。言為事不中則非善之長也。更覆言忠共善三者之義。外內倡和為忠。言君在內臣在外。君倡臣和。不相乖違。是名為忠也。行事以信。無有虛詐。是名為共也。人之為德。有正直剛柔。供養此三者之德。使其德無愆。乃名為善也。非此三者。忠也共也善也。則於此卦。雖吉不可。且夫易不可以占險。將何事也。且

**可飾乎**。夫易猶此易。謂黃裳元吉之卦。問其何事。

欲令從下之飾。○夫音扶註。且夫至事也。○正義

元吉之易也。唯可以占忠信之事。不可以占危險之事也。問南蒯。今將欲為何事也。且可飾乎。言此易所占。唯且可為在下之飾乎。不可為餘事也。中美能黃。忠則黃也。上美為元。善則元也。下美則裳。共則裳也。忠善共三者皆成。可如此筮之言吉也。三者猶有所闕。筮雖吉未可用也。○夫易至之飾。○正義曰。惠

還

伯指論此卦而言。夫易非是漫言易。故知夫易猶言此易。謂此黃裳元吉之易卦也。險謂危險。言此卦不可以占危險之事。心疑南蒯事險。故問將何事。也。且可為下之飾也。欲令南蒯從下之飾為共。中美

**能黃上美為元下美則裳參成可筮**。參美盡備吉

可如筮。○參七南。猶有闕也。筮雖吉未也。有闕謂

不參成。將適費飲鄉人酒。南蒯自其家遷適費。飲

於鄉。鄉人或歌之曰。我有圃。生之杞乎。言南蒯在

費。欲為亂。如杞生於園圃。非宜也。杞世所謂枸杞也。

○圃布古反。杞音紀。從我者子乎。子。男子之通稱。

言從已可不失今之尊。○稱尺。去我者鄙乎。倍其鄰



者恥乎音佩鄰猶親也音佩已乎已乎非吾黨之士乎音佩

**已乎已乎**言自遂不改音佩鄉人以南蒯季氏家臣

而欲反害季氏故為歌以感切之也圃者所以殖菜

蔬也杞非可食之物我有圃生之杞以喻南蒯在費

欲為亂也若能從我之言不為亂者是為子也子者

男子之美稱不失尊貴得為子也去我而背叛者鄙

賤之行也倍其隣近者耻惡之事也若已乎已乎自

遂其心不肯改者則不復是吾黨之士乎釋木云杞

枸權舍人曰向杞也音佩已乎至不改音佩正義曰杜

此解原南蒯之意蒯若云此事已乎已乎自遂其心

如不肯改則此南蒯非復是吾黨之士也服虔云已

乎決絕之辭則謂歌者自言已意可已乎已乎此南

蒯今已非是音佩平子欲使昭子逐叔仲小音佩欲以自解

說小聞之不敢朝昭子命吏謂小待政於朝曰吾不

為怨府音佩言不能為季氏逐小生怨禍之聚為明年

叔弓圍費傳音佩為季子音佩楚子狩于州來音佩狩冬獵

也音佩狩本亦作守音佩次于潁尾音佩潁水之尾在下蔡使

蕩侯潘子司馬督囂尹午陵尹喜帥師圍徐以懼吳

**五子楚大夫徐吳與國故圍之以偪吳**音佩潘音乎

本亦作裝囂五音佩楚子次于乾谿音佩在譙國城父縣南

以為之援雨雪王皮冠秦復陶音佩秦所遺羽衣也音佩

于春反雨于付反王皮冠一本作楚子皮音佩秦所

冠復音服一音福陶徒刀反遺唯季反音佩遺羽衣

秦所遺也音佩文在冠下寫上知是衣也目之以秦明是

秦所遺也音佩冒雪羽之知是毛羽之衣可以禦雨雪也

秦所遺也音佩冒雪羽之知是毛羽之衣可以禦雨雪也



翠被國以翠羽飾被註及下同豹鳥國以豹皮為

履音昔執鞭以出國執鞭以教令華旁作更者五孟

也反非僕析父從國楚大夫從才用反析星歷反國翠被釋鳥

云翠鵲樊光云青出交州李巡曰其羽可以釋物郭

璞曰似燕紺色生鬱林鄭子臧好鵲冠以此鳥之羽

飾冠國僕析父從國正義曰劉炫以為僕析父從右

尹子革父見於王為下與革語張本以規柱今知不

然者若僕析父共子革二人同時見王與之語則

二人並在子革獨對傳應云子革對曰不得直云對

故杜以為右尹子革將父故下即右尹子革父國子

云對事理分明劉妄規杜過非也國王見之去冠被舍鞭國敬

革鄭丹夕莫見見賢遍反王見之去冠被舍鞭國敬

大臣國去起呂與之語曰昔我先王熊繹國楚始封

君音亦繹國楚始封君正義曰此與呂級王孫牟

禽父亦王孫傳於牟言王孫變禽亦蒙之與呂級國齊大公之子丁公級

音急本國王孫牟國衛康叔子康伯變父國晉唐叔之

子國變素協反國禽父國周公子伯禽並事康王國康

王成王子四國皆有分我獨無有國四國齊晉魯衛

分珍寶之器國分扶問反國四國至之器正義

邦諸侯班宗彝作分器旅焚云明王慎德四夷咸賓

無有遠邇畢獻方物惟服食器用王乃昭德之致于

異姓之邦無替厥服分寶玉於伯叔之國時庸展親

魯語云古者分同姓以珍玉展親也分異姓以遠方

之職貢使無忘服也是言諸侯皆得天子之分器也

定四年傳稱分魯公以夏后氏之璜封父之繁弱分

齊火流國夏后氏之璜封父之繁弱分

齊火流國夏后氏之璜封父之繁弱分

卷之四十五 漢書



籃縵、林本作藍縵可從

卷之四十五

湯古閣

亦反亦

康叔以大呂之鍾分唐叔以密須之鼓闕鞞之甲姑洗之鍾其齊之所得則無以言之

今吾使

人於周求鼎以為分王其與我乎對曰與君王哉昔

我先王熊繹辟在荆山在新城汭鄉縣南亦反亦

音市又音示筆路籃縵以處草莽跋涉山林以事天子唯

是桃弧棘矢以共禦王事桃弧棘矢以禦不祥言

楚在山林少所出有○筆音必籃力其反縵力主反莽武黨反跋蒲末反共音恭禦

反魚呂齊王舅也成王母齊大公女晉及魯衛王母

弟也楚是以無分而彼皆有今周與四國服事君王

將唯命是從豈其愛鼎王曰昔我皇祖伯父昆吾舊

許是宅陸終氏生六子長曰昆吾少曰季連季連

楚之祖故謂昆吾為伯父昆吾嘗居許地故曰舊許

是宅○長丁丈反少詩照反嘗一本作曾才能反

生子六人拆剖而產焉一曰昆吾二曰參胡三曰彭

祖四曰會人五曰曹姓六曰季連季連芋姓楚其後

也昆吾是楚之遠祖之兄也舊許是宅昆吾嘗居許

地許既南遷故云舊許是宅其地此時屬鄭故云鄭

人貪賴其田而不我與哀十七年傳衛侯夢見人登

昆吾之觀北面而諫曰登此昆吾之墟杜云今在濮

陽城中蓋昆吾居此二處未知孰為先後也

今鄭人貪賴其田而不我與

我若求之其與我乎對曰與君王哉周不愛鼎鄭敢

愛田王曰昔諸侯遠我而畏晉今我大城陳蔡不羹

春秋左

卷之四十五 四十七

及古閣



賦皆千乘子與有勞焉諸侯其畏我乎對曰畏君王哉是四國者專足畏也

**四國**陳蔡二不羹○遠于萬反羹

音郎乘繩證**四國**至不羹○正義曰劉炫以為

反與音預**四國**楚語云靈王城陳蔡不羹使僕夫子

哲問於范無宇曰今吾城三國賦皆千乘亦當晉矣

諸侯其來乎對曰是三城者豈不使諸侯之惕焉彼

再言三城無四國也縱使不羹有二或當前後遷焉

非是並有二也炫謂古四字積畫四當為三以規杜

過今知不然者以三之與四古雖積畫錯否難知但

今諸儒所註春秋傳本並云四國無作三者國語是

不傳之書何可執以為真而攻又加之以楚敢不畏

左氏劉雖有所規未可從也

君王哉工尹路請曰君王命剗圭以為鉞秘

也柄柄也破圭玉以飾斧柄○剗邦角反鉞

音戚秘音秘**鉞**斧

圭玉

以飾斧柄○正義曰斧何長三尺和氏之玉長

一尺二寸圭玉非為斧柄之物故知破之為飾敢請

命請制度之命王入視之析父謂子革吾子楚國

之望也今與王言如響國其若之何○譏其順王心

如響應聲○響許丈反子革曰摩厲以須王出吾刃

將斬矣○以已喻鋒刃欲自摩厲以斬王之淫慝

他得王出復語左史倚相趨過○倚相楚史名

反倚於綺反徐其王曰是良史也子善視之是能讀

綺反相息亮反王曰是良史也子善視之是能讀

三墳五典八索九丘○皆古書名

○墳扶云反索所

白反本又作素

柯

秘一作秘注釋同

秘

皆古書名○墳扶云反索所

白反本又作素

農黃帝之書謂之三墳言大道也少昊顓頊高辛

及五月



唐虞之書謂之五典言常道也八卦之說謂之八索  
 求其義也九州之志謂之九丘丘聚也言九州所有  
 土地所生風氣所宜皆聚此書也楚左史倚相能讀  
 三墳五典八索九丘即謂上世帝王遺書也周禮外  
 史掌三皇五帝之書鄭玄云楚靈公所謂三墳五典  
 是也賈逵云三墳二王之書五典五帝之典八索八  
 王之法九丘九州之國之戒延篤言張平子說三墳  
 三禮禮為人防爾雅曰墳大防也書曰誰能典朕三  
 禮三禮天地人之禮也五典五帝之常道也八索周  
 禮八議之刑索空空設之九丘周禮之九刑丘空也  
 亦空設之馬融說三墳三氣陰陽始生天地人之氣  
 也五典五行也八索八卦九丘九州之數也此諸家  
 者各以意言無正驗杜所對曰臣嘗問焉昔穆王欲  
 不信故云皆古書名耳

**肆其心** 周穆王肆極也周行天下將皆必有車轍  
**馬跡焉** 祭公謀父作祈招之詩以止王心 謀父周

卿也祈父周司馬世掌甲兵之職招其名祭公方諫  
 遊行故指司馬官而言此詩逸 周行如字又下孟  
 反招常進反又 謀父至詩逸 正義曰尚書酒  
 音昭父音甫 誥云若疇圻父是祈父為官名也  
 詩小雅有祈父之篇其詩云祈父予王之爪牙胡轉  
 予于恤毛傳云祈父司馬也職掌封祈之甲兵鄭箋  
 云此司馬也時入以其職號之故曰祈父杜用彼說  
 故云祈父司馬世掌甲兵之職也祈既官故以招  
 為其名謂穆王之時有司馬之官其名曰招也祭公  
 方諫遊行故指司馬官而為言也賈逵云祈求也昭  
 明也言求明德也馬融以圻為王圻千里王圻者  
 遊戲不過圻內昭明也言千里之內足明德 王是  
**以獲沒於祇宮** 獲沒不見篡弑 祇音支又音祈  
 反 祇宮 杜正義曰馬融云圻內遊觀之名也 臣問其詩

家火流 臣問其詩



而不知也。若問遠焉，其焉能知之？王曰：子能乎？對曰：

能。其詩曰：祈招之愔愔。式昭德音。愔愔安和貌。式

用也。昭明也。焉能於虔反。愔愔。思我王度。式如玉。

式如金。金玉取其堅重。形民之力，而無醉飽之心。

言國之用民，當隨其力任，如金冶之器，隨器而制。

形，故言形民之力，去其醉飽過淫之心。治音也。

其詩至之心。正義曰：穆王之時，有祈父官名，招即

是司馬官也。職掌兵甲，當從王行，祭公諫王遊行，設

言以戒司馬也。言祈招之愔愔，美其志性安和，愔愔

然也。女當用此職掌，以明我王之德音也。思使我王

之德度，用如玉然，用如金然，使之堅而且重，可寶愛

也。若用民力，當隨其所能，而制其形模，依其形模，用

淫一作盈

常

民之力，而無有醉飽盈溢之心也。以王之遊行，必勞

損民力，故令依法用之。言國至之心。正義曰：

不使勞役過其所堪也。如金冶之器，隨器而制，形者

鑄冶之家，將作器而制其模，謂之為形。今代猶名焉。

用民之力，依模用之，故言形民之力也。食充其腹，謂

之飽。酒卒其量，謂之醉。醉飽者，是酒食饜足，過度之

名也。穆王用民之力，不知饜足，故令去其醉飽，過盈

之心。王揖而入，饋不食，寢不寐，數日。深感子革之言。

饋，其位反。不能自克，以及於難。克勝也。且反勝。

升證反。仲尼曰：古也有志，克己復禮，仁也。信善哉！楚

靈王若能如是，豈其辱於乾谿？克己復禮，仁也。劉炫云：克

訓勝也。已謂身也。有嗜慾，當以禮義齊之。嗜慾與禮

義交戰，使禮義勝其嗜慾，身得歸復於禮，如是乃為

水火充。



春秋

卷之四十五

汲古閣

仁也復反也言情為嗜慾所逼已離禮而更歸復之  
今劉定云克訓勝也已謂身也謂身能勝去嗜慾反  
復於禮也  
 ○晉伐鮮虞因肥之役也  
肥役在此年

春秋左傳卷之四十五  
 終



